

# Y SELAR BACH

ARTIST  
Y RHIFYN!

DAFYDD  
OWAIN



**MAE GWYLIAU'R HAF** bron â chyrredd, ac mae'n siŵr eich bod chi'n edrych ymlaen yn fawr at frêc o'r ystafell ddosbarth. Mae'n siŵr bod eich athrawon yn edrych ymlaen hyd yn oed yn fwy!

Wrth gwrs, yn ogystal â chael egwyl o'r ysgol, mae'r haf yn golygu rhywbeth pwysig arall – llwyth o fandiau ac artistiaid yn perfformio yng ngŵyliau cerddorol yr haf!

Yr **Eisteddfod Genedlaethol** yn Llŷn ac Eifionydd fydd uchafbwynt yr haf o ran cerddoriaeth fyw i lawer mae'n siŵr gyda gigs ym **Maes B**, ar lwyfan y maes ac yn gigs **Cymdeithas yr Iaith Gymraeg** yn ystod yr wythnos.

Ond mae llwyth o ddigwyddiadau eraill lle bydd cyfle i weld nifer o fandiau Cymraeg yn perfformio: **Tafwyl** yng Nghaerdydd, **Gŵyl Canol Dre** yng Nghaerfyrddin, **Sesiwn Fawr Dolgellau a Gŵyl Llanuwchllyn** i enwi dim ond llond dwrn ohonynt – edrychwch ar ein rhestr ar y dde.

Mae digon o gerddoriaeth newydd yn cael ei ryddhau yn ystod yr haf gan artistiaid Cymraeg hefyd, felly cadwch olwg am y newyddion i gyd ar wefan **Y Selar**.

Artist y rhifyn y tro yma ydy **Dafydd Owain**, sydd newydd ryddhau ei albwm cyntaf, **Uwch Dros y Pysgod**, a cewch ddysgu mwy amdano yn y rhifyn yma.

## GWYLIAU'R HAF

Dyma rai o wyliau haf y dylech chi geisio ymweld â nhw i weld cerddoriaeth fyw ardderchog eleni:

- **8 Gorffennaf** Gŵyl Canol Dre, Caerfyrddin
- **16-15 Gorffennaf** Tafwyl, Caerdydd
- **20-23 Gorffennaf** Sesiwn Fawr Dolgellau
- **5-13 Awst** Eisteddfod Genedlaethol Llŷn ac Eifionydd
- **5-12 Awst** Gigs Eisteddfod Cymdeithas yr Iaith yn Nanhoron, Nefyn
- **17-20 Awst** Gŵyl y Dyn Gwyrdd, Bannau Brycheiniog
- **25-27 Awst** The Big Tribute Festival, Aberystwyth
- **26 Awst** Gŵyl Llanuwchllyn

# FFEIL O FFEITHIAU DAFYDD OWAIN

## AELODAU: Dafydd Owain.

Offerynwyr eraill ar yr albwm yn cynnwys Llŷr Pari, Osian Huw, Aled Huws, Gethin Griffiths, Harri Owain a Beca Davies.

## O BLE: Arfon

## FFURFIWYD: 2023

(dechrau rhyddhau cerddoriaeth yn unigol)

**RECORDIAU:** 'Uwch Dros y Pysgod' (albwm cyntaf, 2023)

## UCHAFBWYNTIAU:

- Cafodd Dafydd ymateb gwych i'w sengl gyntaf, 'Uwch Dros y Pysgod', wrth iddo ei rhyddhau ym mis Ionawr 2023.
- Rhyddhau ei albwm, sy'n rhannu enw gyda'r sengl gyntaf yna, ydy uchafbwynt ei yrfa fel artist unigol hyd yn hyn.
- Creu fideo gwych 'Uwch Dros y Pysgod' gyda'r cyfarwyddwr, Dafydd Huws



## FFEITHIAU DIDDOROL:

- Eitha Tal Ffranco oedd enw band cyntaf Dafydd Owain. Ffurfiodd y band yn yr ysgol gyda'i ffrind Gruff ab Arwel sydd wedi bod mewn sawl band a sydd bellach yn perfformio dan yr enw Bitw.
- Mae Dafydd wedi bod yn aelod o sawl band ers hynny hefyd gan gynnwys Jen Jeniro, Palenco ac Omaloma.
- Dylunydd graffeg ydy Dafydd Owain o ran swydd bob dydd.
- Mae albwm cyntaf Dafydd yn un 'cysyniadol' sy'n sôn am bentref dychmygol mae Dafydd wedi creu wrth gofio am raglenni plant roedd yn afer gwylio fel Sam Tân

## RHESTR CHWARAE

- ▶ [Uwch Dros y Pysgod](#)
- ▶ [Penbyliaid](#)
- ▶ [Gan Gwaith](#)
- ▶ [Llongyfarchiadau Mawr](#)



## GEIRFA

**gŵyl/gwyliau** – festival/festivals  
**llond dwrn** – a handful  
**cerddoriaeth fyw** – live music  
**dylunydd graffeg** – graphic designer (dylunio pethau fel cylchgronau, posteri ac ati)  
**albwm cysyniadol** – 'concept album' sef albwm gyda caneuon yn troi o gwmpas un pwnc neu thema  
**EP** – record fer, llai nag albwm, rhyw 4 neu 5 o ganeuon fel arfer  
**cynhyrhydd** – 'producer', sef rhywun sy'n helpu creu cerddoriaeth mewn stiwdio recordio

## PUMP CÂN NEWYDD Y DYLECH CHI WRANDO ARNYN NHW



[Disgo Newydd](#) – Sywel Nyw



[Cyma Dy Wynt](#) – Alys Williams



[Tŷn Gron](#) – Lloyd Steele



[Tai Haf](#) – Tad



[05:00](#) – Gwilym

RHAGOR AM GERDDORIAETH GYMRAEG



[Gwefan Y Selar](#)



[Blog SŴn am Sîn](#)



[Sianel YouTube Lŵp](#)



[Rhaglenni Radio Cymru](#)

# PUMP UCHAF Y SELAR

Dyma'r pump band sydd wedi dai sylw Y Selar yn ddiweddar



**1. BLE?** Band ifanc o Gaerdydd sydd newydd ryddhau eu sengl gyntaf, *Epiphany*.



**2. MALI HÂF** Mae Mali newydd ryddhau ei sengl a fideo newydd, *SHWSH!* ac mae EP (record fer) i ddod ganddi yn yr hydref.



**3. HYLL** Bydd y band o Gaerdydd yn ryddhau eu halbwm cyntaf ym mis Gorffennaf dan yr enw *Sŵn o'r Stafell Arall*.



**4. BWCA** Mae'r band bywiog o Aberystwyth newydd ryddhau eu hail albwm, sef *Hafod*.



**5. GLAIN RHYS** Mae'r gantores dalentog o ardal Y Bala wedi ryddhau ei *albwm newydd* yn ddiweddar ar label **I Ka Ching**.

## Rhyddhau sengl swyddogol Eisteddfod yr Urdd

Mae'n siŵr bod llawer iawn ohonoch chi sy'n darllen hwn wedi bod i Eisteddfod yr Urdd ar ddiwedd mis Mehefin, ac wrth i'r ŵyl ymweld â Llanymddyfri, roedd cân newydd wedi'i ryddhau i nodi'r achlysur.

Hana Lili, Adwaith a merched Sir Gâr oedd wedi cyfansoddi, recordio a chynhyrchu'r gân arbennig i groesawu Eisteddfod yr Urdd i Sir Gâr.

'Ein Gwlad' ydy enw'r trac newydd sydd wedi'i ryddhau gan yr Urdd ac sydd wedi ei chreu gan bobl ifanc yr ardal.

Ysgrifennwyd y gân mewn gweithdai arbennig ar y cyd ag Yr Egin a Merched yn Gwneud Miwsig. Mae Merched yn Gwneud Miwsig yn brosiect sy'n rhoi lle saff i ferched i ddysgu sgiliau newydd mewn gweithdai dros Gymru. Mae hwn hefyd yn un o brosiectau celfyddydol #FelMerch sydd yn ysbrydoli a chefnogi merched ifanc drwy greu.

Yn y gweithdy cyntaf, aeth Hollie Singer a Gwenllian Anthony o'r band Adwaith i ddosbarth cerdd yn Ysgol Maes y Gwendraeth i gyfansoddi'r alaw a'r geiriau i'r gân. Yna, rai diwrnodau wedyn, roedd gweithdy recordio

a chynhyrchu wedi'i arwain gan Hana Lili a Steffan Rhys Williams yng Nghanolfan S4C yr Egin i recordio'r sengl a'i chynhyrchu ar y cyd gyda chriw o ferched lleol o Sir Gaerfyrddin.

Does dim angen egluro pwy ydy Adwaith – mae'r band ôl-bync o Gaerfyrddin, sydd wedi teithio'r byd gyda'u cerddoriaeth a'r band cyntaf erioed i ennill Y Wobr Gerddoriaeth Gymreig ddwywaith am eu halbymys 'Melyn' a 'Bato Mato'.

Mae Hana Lili yn gerddor a chynhyrchydd amlwg iawn o'r Bari sydd wedi teithio ar draws Prydain yn perfformio ac roedd hi'n cefnogi Coldplay yn Stadiwm y Principality yn ddiweddar.

Roedd Hana Lili ac Adwaith yn perfformio yng Ngŵyl Triban, sef gŵyl o fewn gŵyl Eisteddfod yr Urdd a ddigwyddodd ar benwythnos olaf yr Eisteddfod. Roedd llwyth o artistiaid eraill yn perfformio ar y penwythnos gan gynnwys Dafydd Iwan, N'famady Kouyate a Tesni Hughes.



## Ras yr Iaith: Ysgol Penrhyn-coch

**Yn ddiweddar, bu miloedd o blant yn cymryd rhan yn Ras yr Iaith ar ddydd lau 22 Mehefin. Y wobr i blant ardal Aberystwyth ar ôl rhedeg ar y Prom, oedd gig yng nghwmi Mei Gwynedd a Tŷ Potas! Dyma ddarn bach am sut y gwnaethon nhw fwynhau'r gig:**



Yn ddiweddar, mi wnaethon gymryd ran yn Ras yr Iaith.

Cyfle grêt i ddathlu Cymreictod. I goroni'r cyfan ar ddiwedd y ras, roedd yna Gig yn y Bandstand ar y prom yn Aberystwyth. Yn chwarae yno roedd Mei Gwynedd a Band Tŷ Potas – roedden nhw yn wych!

Fe wnaethon ni fwynhau dawnsio, canu a dathlu gyda nhw a'n ffrindiau. Croeso iddynt ddod i ganu yn yr ysgol unrhyw amser. Am ddiwrnod i'r brenin!

**Ysgol Penrhyncoch**

# SELAR YN YR YSGOL



Ym mhob rhifyn o'r **Selar Bach** rydyn ni'n holi disgyblion o ysgolion gwahanol am y gerddoriaeth Gymraeg maen nhw'n ei mwynhau. Yn y rhifyn yma, rydan ni'n cymysgu pethau rhywfaint ac wedi bod yn holi pobl o ysgolion **Bro Preseli, Ysgol Gyfun Tregwyr, Ysgol Penrhyncoch** ac **Ysgol Teilo Sant**.

**Enw:** Gwion  
**Ysgol:** Ysgol Bro Preseli  
**Hoff fand Cymraeg:** Bwncath  
**Hoff gân Gymraeg:** 'Fel Hyn Da Ni Fod' – Bwncath  
**Lle fyddi di'n gwranddo ar gerddoriaeth?** Yn y car  
**Pa dri band neu artist fyddai yn dy gig perffaith di?** Bwncath, Candelas, Bryn Fôn

**Enw:** Elen  
**Ysgol:** Bro Preseli  
**Hoff fand Cymraeg:** Gwilym  
**Hoff gân Gymraeg:** 'Paid â Bod Ofn' – Eden  
**Lle fyddi di'n gwranddo ar gerddoriaeth?** Yn fy ystafell wely  
**Pa dri band neu artist fyddai yn dy gig perffaith di?** Gwilym, Eden a Candelas



**Enw:** Lowri  
**Ysgol:** Ysgol Gyfun Tregwyr  
**Hoff fand Cymraeg:** Alffa  
**Hoff gân Gymraeg:** 'Yma O Hyd' – Dafydd Iwan  
**Lle fyddi di'n gwranddo ar gerddoriaeth?** Yn tŷ ac yn y car  
**Pa dri band neu artist fyddai yn dy gig perffaith di?** Alffa, Sŵnami, Bronwen Lewis

**Enw:** Evie  
**Ysgol:** Ysgol Gyfun Tregwyr  
**Hoff fand Cymraeg:** Calfari  
**Hoff gân Gymraeg:** 'Calon Lân  
**Lle fyddi di'n gwranddo ar gerddoriaeth?** Yn fy ystafell wely  
**Pa dri band neu artist fyddai yn dy gig perffaith di?** Bronwen Lewis, Yws Gwynedd a Dafydd Iwan

**Enw:** Twm  
**Ysgol:** Ysgol Penrhyncoch, Ceredigion  
**Hoff fand Cymraeg:** Candelas  
**Hoff gân Gymraeg:** 'Rhedeg i Paris' – Candelas  
**Lle fyddi di'n gwranddo ar gerddoriaeth?** Yn fy ystafell wely  
**Pa dri band neu artist fyddai yn dy gig berffaith?** Candelas, Welsh Whisperer ac Elin Fflur



**Enw:** Rhys  
**Ysgol:** Ysgol Penrhyncoch, Ceredigion  
**Hoff artist Cymraeg:** Elin Fflur  
**Hoff gân Gymraeg:** 'Calon Lân'  
**Lle fyddi di'n gwranddo ar gerddoriaeth?** Mewn gigs  
**Pa dri band neu artist fyddai yn dy gig berffaith?** Yws Gwynedd, Elin Fflur a'r Welsh Whisperer

**Enw:** Madi  
**Ysgol:** Ysgol Teilo Sant  
**Hoff artist Cymraeg:** Candelas  
**Hoff gân Gymraeg:** 'Sosban Fach'  
**Lle fyddi di'n gwranddo ar dy gerddoriaeth?** Ar y radio  
**Pa dri band neu artist fyddai yn dy gig perffaith di?** Candelas, Dafydd Iwan, Clwb Cymru

**Enw:** Lili  
**Ysgol:** Ysgol Teilo Sant  
**Hoff artist Cymraeg:** Dafydd Iwan  
**Hoff gân Gymraeg:** 'Yma o Hyd' – Dafydd Iwan  
**Lle fyddai di'n gwranddo i gerddoriaeth?** Yn yr ysgol, yn y tŷ ac yn y car  
**Pa dri band neu artist fyddai yn dy gig perffaith di?** Dafydd Iwan, Welsh Whisperer ac Adwaith

Os hoffai eich dosbarth chi ateb cwestiynau'r **Selar Bach** anfonwch neges at [post@selar.cymru](mailto:post@selar.cymru)